

გადავიდეთ მეორე სახის თავისუფლებაზე, ეს არის უკვე ქმედების თავისუფლება მილისთვის და აქ უკვე მილი გარკვეულ შეზღუდვას უშვებს, ის ამბობს, რომ ადამიანის ქმედებებში დასაშვებია და საჭიროა შეზღუდვა. საზოგადოებამ, სახელმწიფომ თუ სხვა ადამიანებმა ადამიანი უნდა შეზღუდუნ იმდენად და მხოლოდ იმდენად, რამდენადაც მისი ქმედებები სხვა ადამიანებისათვის არის ვნების მომტანი და სხვა ადამიანისავე ანალოგიურ თავისუფლებას ხელყოფს. აი, ეს არის ერთადერთი შესაძლო გამართლება თავისუფლების შეზღუდვისათვის თვითქმედებაშიც. მილი ამბობს, არცერთი სხვა არგუმენტი და მტკივნეულად უდგება იმ არგუმენტს - ქმედების შეზღუდვისა ასეთი გამართლებით, რომ ჩვენ ვიცით, რომ ადამიანი რაღაცა ისეთს აკეთებს, რაც მისთვის მავნეა და დავუშალოთ მას ამის გაკეთება. მილი ამბობს, ასეთი რამ არასოდეს იქნება გამართლება ქმედების თავისუფლებაში. ერთადერთი მაშინ არის, როდესაც ის სხვას ვნებს რამეს და არა მაშინ, როდესაც ის ჩვენი აზრით თავს ვნებს და აქაც რამდენიმე არგუმენტი მოჰყავს. ერთი არგუმენტი აზრისა და შეხედულების თავისუფლების სასარგებლო არგუმენტის პარალელურია. ის ამბობს, რომ ჩვენი როგორც ცოდნა და შეხედულებები, ასევე ჩვენი წარმოდგენები, იმაზე თუ როგორი ქმედება არის სასარგებლო და როგორი მავნე არის ცდომადი და ჩვენ შეიძლება არ ვიცოდეთ რა არის სხვისთვის კარგი ან ცუდი, თუნდაც ჩვენი თავისთვის. ამიტომ მარტო საკუთარი შეხედულების საფუძველზე სხვისთვის რაიმეს აკრძალვა ამიტომაც არ არის გამართლებული. მეორე უფრო საინტერესო არგუმენტი მილის არის არგუმენტი რომელიც დასაწყისში ვახსენე მილის განსაკუთრებული მახვილი მრავალფეროვნებისა და ინდივიდუალობის ღირებულებაზე. ის ამბობს, რომ აი ამ ქმედების შეზღუდვა იმის მიხედვით, რომ უმრავლესობას მიაჩნია, რომ რაღაცა ტიპის ცხოვრება არის საუკეთესო სახე ცხოვრებისა, რაღაცა ტიპის მოქმედებები არის ყველაზე კარგი ადამიანისათვის და მისი დავალებულება მილი ამბობს, რომ ეს ნიშნავს, რომ ექსპერიმენტირება ავუკრძალოთ ადამიანს. მილი ექსპერიმენტებს ცხოვრებისეულ ექსპერიმენტებს უწოდებს. მას აქვს უდიდესი ღირებულება ერთი მხრივ, როგორც ადამიანის რეალიზაციის განხორციელებისთვის და მეორე საზოგადოების წინსვლისთვის. ის ამბობს, რომ ჯერ არაფერი კარგი გაკეთებულა კაცობრიობის ისტორიაში, რაც ვილაცამ ოდესღაც პირველმა არ გააკეთა, ჩვენ რომ ავკრძალოთ ყველანაირი სიახლე, ჩვენ ამით გავწირავთ თავს მარადიული სტაგმაციისთვის საზოგადოების. ეს არის ერთი არგუმენტი საზოგადოების პროგრესისთვის აუცილებლობა, მაგრამ მეორე როგორც უფრო მნიშვნელოვანი არგუმენტი მილისთვის არის, რომ თვითონ ადამიანის ცხოვრებისთვის მისი თავისუფლების აუცილებლობა. ის ამბობს, რომ ჩვენ როგორც ზნეობრივი არსებები, როგორც რაციონალური არსებები, ჩვენი ცხოვრების არსის აუცლებელი ნაწილია ის, რომ ჩვენ გავაკეთოთ არჩევანი, ჩვენ თვითონ მივიღოთ გადაწყვეტილება და პასუხიმგებლობა ვატაროთ ამისათვის, ჩვენ თუ ბრმად მივდევთ ადათებს იმიტომ რომ ყველა ასე აკეთებს და ვაკეთებთ, ამით ჩვენ ზუსტად უარს ვამბობთ ჩვენი როგორც ადამიანის, როგორც ზნეობრივი და რაციონალური აგენტის ცხოვრების აუცილებელ ასპექტზე და ჩვენი უნარების განვითარებაზე. კიდევ ერთი, რასაც მილი ამბობს საინტერესოს, არის ის რომ ჩვენ ვერ ვიფიქრებთ რომ არსებობს რაღაც ობიექტური ვითარება იმის შესახებ, თუ როგორია ერთი

ტიპის ცხოვრება რომელიც არის ყველასთვის კარგი, არ უნდა ვიფიქროთ რომ ადამიანები ისეთი არსებები ვართ, რომ არსებობს იდეალური ცხოვრების წესი, რომელიც ერთნაირად კარგი იქნება ყველასთვის. რაც ერთისთვის კარგია მილი ამბობს, ის ვერ იქნება მეორესთვის კარგი და ამიტომაც ჩვენ ადამიანებს უნდა მივცეთ თავისუფლება თვითონ აირჩიონ თუნდაც საკუთარი რისკის ფასად და საკუთარი პასუხისმგებლობის საფუძველზე, თვითონ აირჩიონ საკუთარი ცხოვრების წესები. ის ასეთ შედარებას აკეთებს, რომ ადამიანი თავის სარგო პალტოს ვერ იშოვის, თუ სპეციალურად არ შეუკერეს ან ათასი ცალისგან არ აქვს ასარჩევი და როგორ უნდა ვიფიქროთ რომ ცხოვრების წესი და ცხოვრების სტილი უფრო იოლია მოვარგოთ ადამიანს ვიდრე პალტო ანუ ცხოვრების წესი ადამიანთა თავისებურებების მიხედვით ძალიან სხვადასხვანაირი აღმოჩნდება თითოეულისათვის საუკეთესო. მილი ასევე ამბობს, რომ „ადამიანის მიერ საკუთარი ცხოვრების დაგეგმვის მისეული წესი საუკეთესოა არა იმიტომ, რომ ის საუკეთესოა თავისთავად, არამედ იმიტომ რომ ის არის მისი საკუთარი“. მილი ასე დაჟინებულად ამტკიცებს ამ ამბავს, რომ გაცილებით უფრო უკეთესია თუნდაც ჩვენი აზრით სულელურად და ისე როგორც მას მიაჩნია საჭიროდ გაატაროს ადამიანმა ცხოვრება ვიდრე ჩვენ გადავწყვიტოთ, რა ჯობია მისთვის და დავაძალოთ მას ისე მოქცევა როგორც ჩვენ მიგვაჩნია თუნდაც მისი კეთილდღეობისათვის აუცილებლად, ეს არის მილის თვალსაზრისი. დავამატებ ერთს და ამით შეიძლება უკვე დავამთავროთ ამ საკითხზე მსჯელობა, ეს ინდივიდუალურობა და თავისუფლება ადამიანებისა მილი ამბობს - არის თავისთავად და ღირებულება ყველგან და ყველა ეპოქაში, მაგრამ თანამედროვე სამყაროში როდესაც უმრავლესობის ტირანია არნახულად გაიზარდა, თანამედროვე სამყაროში სადაც ადამიანებს ემინიათ გამორჩეულები იყვნენ და უფრო და უფრო ძლიერდება საზოგადოებრივი აზრის წნეხი ადამიანების ინდივიდუალურობაზე. მილი ამბობს, ექსტრენციკულობამ უკვე თავისთავადი ღირებულება შეიძინა ის ამ სიტყვას ხმარობს პირდაპირ. იმიტომ კი არ არის ინდივიდუალურობა და ორიგინალურობა კარგი რომ ის ან მისთვის არის კარგი ან საზოგადოებისთვის იქნება რამე საინტერესო გაკვეთილი, არამედ უკვე თვითონ გამორჩეულობა გახდა თავისთავადი მნიშვნელობის მქონე ამ ერთნაირობის ნორმალურობის სამყაროში. აი ეს არის მილის კიდევ ერთი აზრი, სხვათაშორის უტილიტარიზმზე როდესაც ვლაპარაკობდი და ბენტერის იდეის გადასინჯვა სწორედ ამასთან ძალიან მჭიდრო კავშირშია მილის ეს დაჟინება ადამიანების ინდივიდუალური თავისებურებების და ინდივიდუალური არჩევანის ღირებულებაზე. ამით მე დავამთავრებ თავისუფლების შესახებ ტრაქტატში გამოთქმულ იდეებს. როგორც ვთქვით დანარჩენ თავებში ის ლაპარაკობს უკვე კონკრეტულ საკითხებზე, იმაზე თუ - ადამიანისა სხვა ადამიანების წინაშე პასუხისმგებლობა რა საგანგებო ვითარებას ქმნის ამ თავისუფლების შეზღუდვის თვალსაზრისით. ასევე კონკრეტულ გამოყენებებზე ვთქვათ კონკრეტულ იმ დროს მიმდინარე მოვლენებთან რა შედეგების მქონეა თავისუფლების მისი თეორია, მაგრამ რომ შევაჯამოთ ის ამბობს, რომ ქმედება მხოლოდ იქ უნდა შევუზღუდოთ ადამიანს, სადაც ის ამით აშკარად ვნებს სხვა ადამიანს, ხოლო აზრი და შეხედულება როგორც ასეთ შემთხვევაში არცერთ შემთხვევაში არ უნდა შევუზღუდოთ თუ ეს არ იქნება ქმედება, იქ მილი ამბობს, რომ თუ ადამიანი მაგალითად ლაპარაკობს ამბოხებული ბრბოს

წინაშე, გამოდის მინათმფლობელის მავნებლობების შესახებ სიტყვით ეს ფაქტიურად შეიძლება გავიგოთ მოწოდებად მინათმფლობელის სახლის გადანვისაკენ, მაშინ შეიძლება, მაგრამ ეს არის არა აზრის და შეხედულების შეზღუდვა არამედ არის უკვე ქმედების შეზღუდვა მილისათვის, ეს რაც შეეხება თავისფლების შესახებ მის იდეას. რატომაუნდა ბევრი შეიძლება ჩვენ ვიფიქროთ და ბევრი ადგილი მოგვხვდება თვალში მილის ტექსტისა რომელიც ცოტა უხერხულად ჟღერს თანამედროვე თვალსაზრისიდან განსაკუთრებით ეს ეხება იმ ადგილებს, სადაც ის ლაპარაკობს ევროპელი ხალხისა და დანარჩენი სამყაროს ურთიერთმიმართებაზე ბევრმა შემდგომში მილი გააკრიტიკა იმისათვის, რაც მასში დაინახეს - აშკარა კოლონიალისტური იდეოლოგიის გამართლება და აშკარა ევროპოცენტრიზმი, აშკარა ხედვა იმისა რომ ევროპა არის პროგრესის წყარო მთელ დანარჩენ სამყაროშიც, რომ ის თვისებრივად უკეთესი ადგილია/უკეთესი საზოგადოებები. მეოცე საუკუნეში განსაკუთრებით კოლონიალიზმის კრიტიკის კონტექსტში დიდი ყურადღება მიაქცის მილის ამ ადგილებს, უხერხულობა ამ ტექსტში არსებობს, მაგრამ რატომაუნდა გავითვალისწინოთ ისიც, რომ მილი მეცხრამეტე საუკუნეში წერს, მისი ტექსტის და მის იდეებთან სერიოზულ დამოკიდებულება არ ნიშნავს უკრიტიკოდ მივიღოთ ყველა მისი პასაჟი, მაგრამ ჩემი აზრით მილის ტექსტის აი ეს უხერხული მომენტები თუ ის ადგილები რომლებსაც ჩვენ ალბათ დღეს აშკარად აღარ დავეთანხმებით, კიდევ ერთხელ ადასტურებს, თვითონ მილისავე მტკიცებას, იმის შესახებ რომ ადამიანის შეხედულებები არასდროს არის სრული ჭეშმარიტება და უკეთეს შემთხვევებში ისინი შეიცავს ძვირფას მარცვლებს ჭეშმარიტებისა, შერეულს ბევრ ისეთ რამეში, რაც შემდგომში გადაისინჯება და ალბათ მცდარად ჩაითვლება.